

8
Dissertatio Juridica Inauguralis

Ad legem 4. ff. de hered. vel act. vend.

**GENUINUM INTELLECTUM HUIUS LEGIS
CONTRA COMMUNEM INTERPRETATIONEM, & SENTENTIAM:**

*quasi venditor nominis tantum verum
non bonum nomen præstare teneatur,*

EXHIBENS

QVAM

Divina Aspirante Gratia,

**EX DECRETO atque AUTHORITATE AMPLISSIMÆ
FACULTATIS JURIDICÆ**

IN ILLUSTRİ ACADEMIA HASSO-SCHAUMBURGICA;

Sub PRÆSIDIO

VIRI Amplissimi, Consulentissimi atque Excellentissimi

DN. HERMANNI ZOLLII,

JCTi Celeberrimi, Consiliiari Hassiaci & Professoris Juris

In hac Academia Præsidi, p. t. RECTORIS MAGNIFICI,

Patroni sui sempiternum devenerandi,

PRO

**SUMMIS in utroque JURE HONORIBUS & PRIVILEGIIS
DOCTORALIBUS ritè consequendis**

Publicæ disquisitioni & examini Dnn. Professorum submittit
JOHANNES GEORGIUS SCHOENEMANNUS,

Homburga-Hassus.

Ad diem Augusti An. 1707.

RINTHE LII, Typis HERMANNI AUGUSTINI ENAX, Acad. Typ.




**DEO O.M.
PATRIÆ DULCI
PATRONIS
AMICIS &
PARENTIBUS.**

Discursum hunc Juridicum, qua
potest animi submissione ac
reverentia,

D. D. D.

J. G. SCHOENEMANNUS.



I. N. D. J. C. A.

§. I

Communis est traditio Docto-
rum, Venditorem nominis
verum quidem sed non bo-
num & exigibile nomen præ-
stare teneri, ideoque Empto-
rem ad evictionem agere non posse, et si
minus idoneum debitorem vel qui solven-
do non est, si sciens, siue ignorans receperit,
per text. in l. 4. ff. de hered. vel act. vend. Ubi Ul-
pianus ait: Si nomen sit distractum, Celsus libro
nono Digestorum scribit locupletum esse debitorem non
debere prestare; Debitorem autem esse prestare,
nisi aliud convenit. gloss. Bartol. Bald. & Dd. com-
mun. in d. l. 4. & Brunneman. ibid. num. 1. Burgund.
tract. de Evict. c. 11. num. 1. Frantzke. de Evict. num. 24.
& seqq. Zaf. in comment. ad tit. ff. de hered. vel act.
A 2 vend.

vend. Carpzov. p. 2. constit. 34. def. 26. Mantio. de
tac. & ambig. convent. lib. 4. tit. 13. num. 7. Tuschus
conclus. 281. num. 5. lit. C. Berlich. p. 2. decis. 290. num.
12. Lenz. de nom. & aff. cess. cap. 27. membr. 7. num. 1.
& seqq. Perez. in Cod. tit. de hered. vel act. vend.
num. 101. Wesemb. paratit. ff. eod. num. 6. ibique Hahn.
in not. ubi duo præjudicia Facultatis Juridicæ Helm-
stadiensis allegat. Struv. Syntagm. Jur. Civ. Exercit.
23. thes. 79. & Exercitat. 27. thes. 23. Mævius in tract.
Discuss. Levamin. mopie debitorum cap. 7. num. 30.
& seqq.

§. II.

Quam quidem sententiam adeo exten-
dunt, ut existiment, venditorem ad evictio-
nem non teneri, etiamsi evictionem nomi-
nis aut se indemnem servaturum Emptorem
promiserit, Caspar. Caballin. tract. de Evict. §. 5.
num. 37. Fabius de Anna. consil. 51. num. 29. Matth. de
Afflict. decis. Neapol. 8. num. 4. Bart. in l. 49. ff. solut.
matrim. Paul. de Castro vol. 2. consil. 170. num. 2. & post
eos Hahn. in not. ad Wesemb. tit. ff. de evict. num. 10.
ubi hanc sententiam duobus præjudiciis
Facultatis Juridicæ Helmstadiensis prolixè
confirmat.

§. III.

Verum sententiam illam non tantum
æquitati naturali, sed etiam Juri Civili non
convenire, nobis cum paucis aliis præsertim
cum

cum Dn. Ennone Rudolpho Brenneisen/
hodiè Serenissimi Principis Frisiæ Orientalis
Consiliario Aulico, qui in Dissertatione Ju-
ridica de Præstatione Evictionis in cessione
nominis: sub ejus præsidio à Dn. Christoph.
Elia Delbassen/ Halæ Saxonum An. 1696. ha-
bita lubricitatem communis sententiæ do-
ctè ostendit, nobis prævasum habemus, &
contrarium, quod scilicet venditor nominis
non tantum verum sed etiam bonum & exi-
gibile nomen præstare teneatur, de jure ve-
rius esse existamus.

§. IV.

Planè Status controversiæ hîc non est de
Evictione, quippe quæ tunc locum habet,
quando nomen alienum venditum & evi-
ctum est, unde dubitare non licet, si nomen
aliquod, quod ad alium pertinet, alicui ven-
ditum sit & evincatur, venditor ad restitu-
dum pretium cum eo quod interest, nomen
evictum non esse, teneatur. *l. evicta. 70. ff. de*
evict. Sed lis est de præstatione, ad quam ven-
ditor proprii nominis teneatur? quod argu-
mentum ad Ædilitium Edictum pertinet,
quo cavetur, ut venditores certiores reddant
em-

emptores, quid morbi vitiique cuique rei
venditæ sit, & si hoc venditores vel ex calli-
ditate vel ex ignorantia reticeant & rem viti-
osam Emptori tradant, actione redhibitoria
vel quanto minoris conveniri possunt l. 1. &
i. t. ff. de Edil. edict. & i. t. Cod. de Edil. act.

§. V.

Unde apparet Venditorem nominis non
vitosum & inane sed bonum nomen &
quod usui esse potest Emptori tradere teneri,
si hoc factum non est, & tempore venditio-
nis nomen propter inopiam debitoris exigi
non potuit adeoque inane & vitiosum fuit,
venditorem nomen suum recipere & preti-
um Emptori restituere teneri. Adilitium
edictum enim non tantum ad mancipiorum
sed etiam ad cæterarum rerum, (adeoque
etiam nominum) venditiones pertinet, teste
Ulpiano in l. 63. ff. de Edil. edict. Et quid ni?
Exigit enim natura Emptionis, utpote con-
tractus bonæ fidei, uti sicut venditor justum
pretium pro re accipit, ita etiam rem non
vitiosam sed probam & quæ usui esse possit
Emptori tradat, (scilicet der Verkäufer muß
Kaufmanns Gutth liefern/ut vulgo dici solet.)

Nec

Nec ad rem facit instantia illa, quod nihil aliud quam nomen, seu facultas debitorem in iudicio conveniendi & ab eo petendi rem debitam sit venditum, ergo etiam venditor nihil aliud præstare teneatur; Nam & eodem modo dici possit, qui equum alicui vendit, functum esse sua obligatione modo equum, ut ut morbidū & vitiosum præstet, quod absurdum est, nec venditorem ab actione redhibitoria vel quanto minoris liberat.

§. VI.

Sanè si bonæ fidei contractus expressam conventionem non patitur, ut emptor rem amittat & venditor pretium retineat, uti ex sententia Juliani refert Ulpianus *in l. II. §. ult. ff. de act. empt.* multò minus admitter, ut venditor nominis, quod ob inopiam debitoris inane & in effectu nullum est. *l. 6. ff. de dol. malo.* Ideoque ex eo Emptor nihil accipere potest, hoc obtentu, quasi nihil nisi nomen seu facultas conveniendi debitorem venditum sit, pretium retineat; Imò minus noxium est nullam planè habere actionem quam talem, quæ propter inopiam debitoris

ina-

inanis est, quippe ubi nulla est actio parcitur
sumptibus, quos alioquin actio, quæ in ef-
fectu inanis est, requirit & elicit.

§. VII.

Porro contra communem sententiam
militat argumentum ex l. 57. de contrab. emp.
ubi Paulus ait: *Domum autem, cum ego & vendi-
tor combustum ignoremus, Nerua, Sabinus, Cassius
nihil venisse, quamvis area maneat, pecuniamque
solutam condici posse ajunt. Sed si pars domus mane-
ret Neratius ait in hac questione multum interesse
quanta pars domus incendio consumpta permaneat,
ut, si quidem amplior domus pars exusta est, non com-
pellatur Emptor perficere Emptionem, sed etiam quod
forte solutum ab eo est, repetet, sin vero vel dimidia
pars vel minor quam dimidia exusta fuerit, tunc co-
arctandus est emptor venditionem adimplere esti-
matione viri boni arbitrari habita, ut quod ex pretio
propter incendium decrescere fuerit inventum ab
huius prestatione liberetur &c.* Utcunque enim
hic textus de venditione domus combustæ
agat, eadem tamen est ratio in venditione
nominis, quod ob inopiam debitoris inane
& nullum factum est, & consequenter in
nomine vendito idem jus esse debet l. 32
ibique Dd. ff. ad L. Aquil.

§. VIII.

§. VIII.

Specialius adhuc communem sententiam impetit & nostram confirmat textus in l. 22. §. 2. ff. solut. matrim. ubi Ulpianus ait: Si mulier soluto matrimonio egentem rem dotis per novationem decepta accipiat, nihilominus actio dotis ei manebit. Ecce! hic maritus soluto matrimonio, quo dos est reddenda, debitorem, qui tempore cessionis egenus & non solvendo erat, mulieri in solutum dat, qualis contractus vicem venditionis obtinet l. 4. C. de evict. & dicit JCtus, non obstante ejusmodi datione in solutum nihilominus mulieri actionem dotis manere. Planè Doctores causam hujus decisionis partim in favore dotis ponunt, uti Brunnemann. in d. l. 22. num. 6. & alii ibidem ab eo allegati, partim dolo cedentis mariti adscribunt, quos sequitur Joh. à Sande tract. de cess. act. c. 9. num. 19. & seq. Sed negamus hic favore dotis aliquid singulare constitutum esse, quin potius id, quod hic JCtus decidit, naturæ venditionis, vel quod idem est, dationis in solutum congruit, per ea quæ supra th. 4. & seqq. dicta sunt; Cessat ergo in

hoc argumento allegatio alicujus privilegii dotis, quod non est, neque etiam ratio Sandii alicujus momenti est, siquidem in dicto textu non dicitur, mulierem dolo esse deceptam, sed simpliciter *deceptam* id est læsam, quod etiam sine alterius dolo contingere potest, hoc enim sensu verbum illud Romanis JCris passim sumitur *vid. l. 1. §. 1. l. 2. §. 3. ff. ad SCt. Vellej.* & falli dicitur Emptor qui vitiosam rem emit, etiam si venditor vitium ignoraverit *l. 1. §. 2. ff. de Edil. edict.*

§. IX.

Præterea non obscure nostram sententiam adjuvat *lex 96. §. 2. ff. de solut. 5^o lib.* ubi Papinianus talem casum refert; Soror, cui legatum ab herede fratre debebatur, post mortem legati quæstionem transegit, ut nomine debitoris contenta legatum non peteret, placuit quamvis nulla delegatio facta neque liberatio secuta esset, tamen nominis periculum ad eam pertinere, Itaque si legatum contra placitum peteret, exceptionem pacti non inuliter opponi. Ecce dicit JCtus periculum nominis ad sororem pertinere, unde sequitur nomen idoneum ei à fratre, in solutum fuisse datum, alioquin nullum periculum peri-



perituræ ex actionis, ad inopiam vergente
debitore, metuendum foret. Aliud igitur
dicendum, si cessionis tempore inidoneus
fuisset debitor, tunc enim periculo nominis
cessante cedentem pretium restituere debere
cum Accursio & aliis ibidem allegatis *Do-*
rectè colligit & statuit Brunnemann, in d. l.
96. quamvis ille hoc temperamentum; ma-
xime si deceptio concurrat: adjiciat, quod tamen
ex supra dictis supervacaneum est; aut si eo
sensu, quo id in thesi præcedente declara-
tum fuit, sumatur, admitti potest.

§. X.

Denique etiam naturalis æquitas nostræ
sententiæ suffragatur, quo pacto enim da-
mno affici poterit. Emptor nominis vel
cessionarius propter ignorantiam facti,
dum nomen venditum bonum & debito-
rem solvendo esse per errorem existimat?
Ignorantia enim facti imò etiam juris in
damnis amittendæ rei nostræ non obest sed
excusat. *l. 8. l. 9. pr. ff. de juris & facti ignor.*
Nec est quod quis instet, facti quidem igno-
rantiam non nocere, si non summa negli-
gentia alicui obijciatur, quod hoc casu con-

tingat,

tingat, si emptor vel cessionarius in facultates debitoris cessi, uti poterat ac debebat, non inquit. *d. l. 9. §. 2. ff. de iur. & fact. ign.* nam hoc intelligendum est de supina ac crassa aliqua negligentia, qua quis id ignorat, quod omnes in civitate sciunt *d. l.* Præterea in venditione, ex qua venditor pretium pro re accipit, ratio contractus requirit, ut venditor rem non vitiosam aut inanem tradat; imò etiam Emptorem de vitiis rei certiores faciat, *l. 1. ff. de Edil. edict.* Qui enim nomen emit, non nudam facultatem conveniendi debitorem sed rem ipsam debitam respicit, itaque, si nomen, quod exigibile existimabat, vitiosum & inana sit, deceptum se merito dicere, & consequenter propter errorem facti, cujus interpretatio quandoque prudentissimos fallit, *l. 2. ff. de iur. & fact. ign.* pretium repetere potest. Unde etiam Paulus de Castro in *l. qui satis dare 3. ff. de fidejuss.* in cessionario qui iusto errore inductus, ut putaret debitorem, qui vulgò pro divite habebatur, solvendo esse, sententiam communem rectè limitat quem sequitur Struv. Exerc. 27. th. 23.

§. XI.

Neque communi sententiæ suffragatur famosa illa *lex 4. ff. de hered. vel act. vend.* Nam *primò* nominis appellatione, uti lectio Florentina habet, quæ vulgari, pro verbo *nominis* verbum *pecunia* substituendi, meritò præferatur, rem (debitam) significans Proculus ait *in l. 4. ff. de V. S.* unde is qui nomen vendit, non nudum & inane nomen, sed rem ipsam debitam ~~vendere censetur~~, ac proinde si propter inopiam debitoris nihil à debitore exigi potest, etiam nihil venditum & traditum censetur *l. 6. ff. de dol. mal. l. 57. ff. de contrah. empt.*

§. XII.

Secundò: si verba *d. legis 4. ff. de hered. vel act. vend.* recte attenduntur, facile colligere licet, quo sensu ibi *Ictus* accipiat debitorem locupletem, & huic oppositum debitorem simplicem: Nimirum hæc est sententia Celsi ab Ulpiano ibidem relata & approbata, quod venditor nominis non teneatur quidem præstare *locupletem debitorem* i. e. talem qui non tantum solvendo sed etiam facilis conventionis est, pro ut *locupletem* fide-

fidejussorem definit ipse Ulpianus in l. 2. pr. ff. qui satisd. cog. debitorem autem esse i. e. debitorem à quo pecunia, ut ut difficulter & cum molestia, exigi tamen potest, *præstare*. Is enim debitor intelligitur à quo invito exigi potest pecunia inquit Modestinus in l. 108. ff. de V. S. A contrario igitur sensu, quod argumentum in jure fortissimum creditur, in usu juris & cum effectu debitor appellari nequit, à quo pecunia propter inopiam exigi non potest.

§. XIII.

Et hanc interpretationem etiam juvant verba sequentia: *nisi aliud convenit*: Si enim verbis præcedentibus *debitorem autem esse præstare*: Secundum communem sententiam applicentur, absurde posita videntur. Quid enim ulterius Emptor remittere poterit venditori nominis, qui debitorem etiam egenū & inidoneum tradendo sua obligatione defungi potest? E contrario autem, si verbis præcedentibus in nostro sensu applicentur & venditor se nomen: *quale quale sit*. vendere dicat, & hanc conditionē Emptor acceptet, tunc nihil aliud à venditore exigere potest, quam



quam ut sit, non ut exigi etiam aliquid possit, prout ejusmodi conventionis exemplum profert Hermogenianus in l. 74. §. ult. ff. de evict. Ex quo textu simul clare apperet, alicui nomen simpliciter vendere & sub tali conditione: *quale quale illud sit*. vendere, admodum diversa inter se esse, ac proinde diversam præstationem in venditore requirere.

§. XIV.

Imò connexio legis 4. cum leg. 5. quæ est Pauli hoc tenore ibidem relatâ: *Et quidem sine exceptione quoque nisi in contrarium actum sit &c.* nostram interpretationem suppeditat. Postquam enim Ulpianus in d. l. 4. sententiam Celsi (quod scil. venditor locupletem quidem debitorem præstare non teneatur *debitorem tamen*: scilicet à quo debitum, etsi difficulter exigi possit) retulerat, addit Paulus in lege sequente non sufficere hoc ad præstationem venditoris, sed eum etiam talem debitorem, qui nullam exceptionem Emptori opponere possit, præstare teneri. Arguit hoc verbum: quoque: quod utrumque Paulus requirit, unde patet, tantum abesse, ut is qui nomen vendit non teneatur præstare *debitorem*

to rem idoneum, quin potius ad ejus obligationem requiratur, ut non tantum debitorem qui solvendo est, sed præterea etiam talē qui exceptionem aliquam opponere nequit, Emptori præstet. Si gitor unum requisitum deficit, venditio nominis in usu juris nulla est, quemadmodum enim nihil interest utrum quis ipso jure non habeat actionem an habeat talem, quæ per exceptionem infirmetur *l. 112. ff. de reg. jur.* Itā eodem modo nihil interest, utrum quis actionem planē non habeat, an talem, quæ propter inopiam debitoris inanis est. *l. 6. ff. de dolo mal.*

§. XV.

Et quid multis? Palus in *d. l. 5.* apertē pro nostra sententia pronunciat his verbis: *Sed, si certæ summæ debitor dictus sit, in eam summam tenetur venditor si in certæ, & nihil debeat, quanti interfuit Emptoris.* Atqui nulla ferē Venditio vel Cessio nominis fit, in qua quantitas vel summa, quam venditor vel cedens sibi deberi existimat, non exprimitur. Ergo, si summa illa ob inopiam debitoris exigi non possit, venditor ad reparationem damni tenetur. Sin autem in certæ summæ debitor sit cessus
(e. g.



(e. g. si quis dixerit ego tibi cedo vel vendo tibi nomen vel actionem, qua ille mihi tenetur sine expressione quantitatis vel summæ) tunc quidem nihil ulterius exigi poterit, quam debitor revera debet, sive magnū sive modicum illud sit, hoc tamen necessario requiritur ut aliquid debeat, quoniam venditor cum debitorem esse asseveravit, itaque si postea appareat eum nihil protus debere, venditor tenetur in id quod interest *Emporis. d. text.*

§. XVI.

Porro communi sententiæ non proficit aut nostræ afficit illud Pauli in l. 26. §. 2. ff. *mandati* ubi dicit. *Abesse intelligitur pecunia fidejussori etiamsi debitor ab eo delegatus sit creditori, licet is solvendo non fuerit, quia bonum nomen facit creditor, qui admittit debitorem delegatum:* Sensus hujus textus hic est, fidejussor interpellatus à creditore delegat ei suum debitorem, quoniam igitur delegatio ejusmodi pro solutione est, ideoque fidejussor habetur quasi solvisset, actione mandati contra reum Principalem experiri potest, ut ei pecunia pro ipso soluta restituatur, abesse enim intelligitur pecu-

pecunia fidejussori etiam si debitor delegatus solvendo non sit. *l. 18. ff. de fidejuss. l. 1. §. II. ff. de separat.* Et creditor hoc ipso, quo debitorem delegatum admittit eumque recipit & fidejussorem per novationem dimittit, bonum nomen respectu fidejussoris delegantis facit, etiam si à debitore delegato ob ejus inopiam nihil consequi nec postea ad fidejussorem reverti possit. Quod igitur hunc attinet textum, sciendum est quod delegatio de Jure Romano non aliter quam mediante stipulatione inter creditorem & debitorem delegantem & delegatum, ideoque creditore & debitore praesente peragatur. *l. 1. §. 3. C. de novat. §. de leg. l. II. ff. cod.* Si igitur creditor debitorem delegatum sine contradictione aut protestatione admittat, isque postea non solvendo appareat, respectu fidejussoris delegantis quidem bonum nomen facit, ac proinde delegans non tantum liberatus est, sed etiam debitum illud quasi re ipsa solutum à debitore principali repetere potest, creditor autem cui delegatio est facta sibi debet imputare, quod in conditionem & facultates debitoris delegati, cum hoc facile potuisset, diligentius

non

non inquisiverit, rectè igitur talis negligentia ipsi pro approbatione reputatur *l. 3. ff. de fidejuss.* alia autem est ratio in debitore citra delegationem cesso; Cum enim nuda venditio nominis in scio ac invito debitore fiat *d. l. 1. Cod. de novat. & delegat.* talis occasio inquirendi in conditionem ejus Emptori non superperit, ideoque de debitore delegato ad debitorem cessum tanquam à diversis ad diversa non rectè inferitur.

§. XVII.

Multò minus autem pro communi sententia aliquid facit regula illa juris, qui cum aliquo contrahit, non est vel esse debet ignarus conditionis ejus *l. 19. ff. de reg. Jur.* Hæc enim ad delegationem quidem applicari potest, non autem ad nudam venditionem aut cessionem nominis, emptor enim nominis cum venditore quidem non autem cum debitore cesso, cujus conditio hic inquirenda est, contrahit, Sanè non facile quidem contingit, ut, qui nomen emit vel in solu-

ritis, ut hanc inquisitionem negligent. His autem per ignorantiam læsis non succurrere admodum iniquum foret. *arg. l. 25. §. 1. ff. de probat. l. 9. pr. ff. de juris & facti ignorant.*

§. XVIII.

His itaque suppositis multifariis illis cautelis, quibus Doctores communem opinionem restringunt, opus non est. De quibus vid. *Mantic. de tacit. & ambig. convent. lib. 4. tit. 13. Berlich. pract. concl. lib. 1. concl. 24. Finckelthaus observ. pract. 91.* quoniam ut dictum est, venditor nominis tale nomen, cui nulla exceptio vel inopia debitoris obstat, quo minus exigi possit, præstare tenetur. Nisi tale quale penes ipsum est: vendiderit. Unde minus dubitare licet, quin, si venditor ratione nominis venditi indemnem se servaturum Emptorem promiserit, promissis stare teneatur. Talis enim promissio generalis est, ideoque et si secundum communem traditionem venditor bonum nomen præstare non teneatur, nihilominus tamen hæc cautela adjecta damnum per inopiam debitoris illatum Emptori rescire tenetur. Non attento quod post Bartol. in l. 49. ff. sol. matrim. aliter do-



doceat Paul. de Castro vol. 2. consil. 170. num. 2. ubi dicit: *Etiam si probatum foret Campolongum promississe Petro, defendere guarentare & in damnum conservare non profit apponenti ad, id, quod dicit debitores non esse solvendo, quia non censetur per illa verba se obligasse ad præstandum eos idoneos & solvendo, cum istud non sit de natura contractus, sed solum quod sint veri debitores & sine exceptione, cum verba prædicta ad hoc possint restringi. Quem allegat & sequitur Hahn. in not. ad Welsemb. tit. ff. de evict. num. 10.* Non tantum enim erronea hypothese hæc decisio nititur, quasi venditor nominis nudum duntaxat nomen non autem bonum præstare teneatur, cujus contrarium supra evictum est, sed etiam promissio generalis de indemnisatione illam restrictionem Castrensis non admittit.

§. XIX

Manet igitur firma nostra conclusio, venditorem ex natura contractus non tantum verum sed etiam bonum nomen, tale scilicet quod exigi & cui debitor nullam exceptio-

nomen fuisse. Nam si post venditionem contingat debitorem facultatibus labi, huius periculum ad emptorem spectat, tum ex regula generali, quod perfecta venditione periculum & commodum rei venditæ statim ad emptorem pertineat, §. 3. *Inst. de empta. & vend. l. 1. pr. l. 7. l. 8. ff. de peric. & comm. rei vend. l. 3. C. de Edil. act.* tum etiam per textum specialem in l. 96. §. 2. ff. de solut. junct. l. 49. pr. ff. sol. matrim. ibique Bartol. Brunne-
mann. & *Da. comm.*

§. XX.

Sed queritur: si debitor post venditionem nominis non solvendo inveniatur, cui incumbat probatio? Utrum venditori, quod tempore contractus, solvendo; An Emptori, quod tempore contractus jam dum inidoneus fuerit? Respondemus Emptori; In dubio enim vitium ali-
quod in re vendita post venditionem apparens etiam post venditionem super-
venisse præsumitur. *Carpz. ov. p. 2. constit. 34. definit. 18.* Probabit autem Emptor vitium hoc si statim post venditionem appa-
reat, tunc enim præsumitur tempore vendi-
tionis,

tionis,
trarium
aliis re
Bald. in
de Cin
Francz
num. 6
act, m
præse
pro v
mo, 2
aus r
nova
inqu
tem
firo
Ad
fac
cy



tionis, jam dum adfuisse, nisi venditor contrarium probet, argumento eorum, quæ de aliis rebus venditis Doctores tradunt. vid. Bald. in *l. 1. Cod. de Edil. act.* Caspar. Caballin. de Cingulo de Edilit. act. c. 2. num. 5. & 26. Frantzck. in *comm. ad ff. tit. de Edilit. edict.* num. 66. & seqq. Peretz. in *Cod. tit. de Edilit. act.* num. 4. Et hæc pauca sunt, quæ in præsens occasione *l. 4. ff. de hered. & act. vend.* pro virium tenuitate, festinante vero calamo, annotare libuit: Cæterum si quæ minus recte minusque commodè dixi etsi cui nova quædam videntur, is, diligentius, ut inquirat, hortamur, meliora tunc monentem sequi non reculabo.

Tibi verò D. O. M. grates offero devotissimas pro clementissimo concesso auxilio, Adsis in posterum, omnia mea studia & facta committo, fac, ut iis tua gloria hancque secutura proximi salus promoveatur, ipsisque post obtatissimos successus felicissimus imponatur.



COROLLARIA.

I.

COpula & benedictio Sacerdotalis ad essentiam matrimonii inter Christianos omni ex parte legitimi Jure Communi requiritur.

II.

Christiani à Turcis aut aliis infidelibus in bello capti libertatem & hinc dependentia jura in sua civitate hodie non amittunt.

III.

Artifex excellens adhuc hodie gaudet beneficio legis ad bestias 31. ff. de pœnis.

IV.

Dominium rerum statim ab Adamo cœpit.

V.

Filius, qui cum beneficio inventarii hereditatem paternam adivit, ultra vires hæreditarias ex feudo æs alienum hæreditarium defuncti patris exsolvere non tenetur.

VI.

Pœna Poligamiæ ex constitutione criminali Imp. Caroli V. artic. 121. quidem pœnitenti adeoque corporis afflictiva, non tamen præcisè ultimum supplicium est.

VII.

Institutio illa hæredis: *Si Titius hæres eris, Sejus hæres esto: Si Sejus hæres eris, Titius hæres esto:* Non est inutilis, pro ut ex sententia Juliani existimat Marcianus in l. 16. ff. de Condit. instir.

VIII.

Venditorem rem venditam præcisè teneri nec præstando interesse liberari, naturali quidam rationi, & æquitati, non autem Juri Romano convenit.

IX.

Locator ejusque successor conductorem, præsertim, prædii Rustici, etiam ante tempus locationis finitum sine ulla causa jure Romano propria & privata autoritate non autem judicialiter expellere potest.



Aol 1474497

